



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

6. Dies Maii. Ubi me relinquo, ibi me invenio, & ubi me quæro, ibi me perdo. Thomas à Kempis de mortif. vita.

---

---

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

## 6. DIES MAIL.

Ubi me relinquo, ibi me invenio, & ubi me quæro, ibi me perdo. *Thomas à Kempis de mortif. vita.*

Sensuali-  
tas quam  
noxia.

I. **I**nchoatum prius argumentum prosequor, & amorem sui intemperantem prosequor. Nullus est magis perditus, quam qui se perdit. De illo merito dixeris: (a) *Perdido tua exite.* Audi, & quod autumabis paradoxum, reperies esse pronuntiatum heterodoxum. Se quærere, est se perdere. Quæris unde hoc! Quia qui se quærit, hoc est, in omnibus corpori suo indulget, bona animi emulget. Et hoc est se, imò & sua serò perdere: si sapias, tu plurius esse debes tibi, quam quidvis tuū. igitur & plus quàm corpus. Cadaver potius es hominis, quàm homo, quia plus vivis corpori, quàm animo. Hinc unum est ad perfectionem, imò & salutem consequendam necessarium, in hac vita mortali, sibi mori. Eodē momento quo moreris (ut loquar cum Asceticis) vita sensuali, vivis vita spirituali. Hinc perfecta mors vitæ sensualis, est perfectio vitæ spiritualis. Ut sic moriaris, ad hoc opus est omnē conferas operam, ut sic attendas, & ad hoc toto h. su contendas, ut nullus sit vel in corpore, vel in animo motus, qui non dirigatur ad Deū, qui est omnium agendorum scopus. Ut sic te intra gyrū temperantiæ contineas, ut ab omni voluptate, vel modicè intēpe-

Y 4

ranti

(a) *Osee. 13. 9.*



ranti abstinence, ut molestiam omnem in hoc agone ferendam fortiter sustineas.

II. Quapropter debes ad agendum duci solo gratiæ spiritu, nunquam naturæ impetu. Si hujus proclivitate te sinas à virtutis tramite abduci, sinas te seduci. Tibi graviter imponis, si ad illius normam vitam componas. Comprimere, ne latius evagentur, omnes sensus, & renuntiare voluptatibus sensuum, hoc demum est mori vitâ sensuali. Illud tibi sit certum, uti Dei decreto statutum est, ut corpus non adeat gloriam in cœlis, nec fruatur immortalis vita, nisi prius in terris obitâ morte; sic & statutum est, ut nemo evehatur ad perfectionem vitæ spiritualis, nisi à morte vitæ sensuales. Et hoc tam Deo est fixum, & ratum, ut citius exempturus sit Deus aliquem lege mortis corporalis, ut sine ea illum transferat ad vitam perennis gloriæ, quàm ut absque morte vitæ sensuales, quis gradum faciat ad vitam spirituales. Expeditius enim est, ut corpus vitam vivens naturalem, sine morte transeat ad vitam gloriosam, quàm ut quis à vita sensuali transeat ad spirituales, non prius sibi, & sensibus suis mortuus: cum tam sibi repugnent vita spiritualis & sensuales, quàm virtus & vitium, vita & mors, esse & non esse. Dic igitur audacter ad Deum conversus, iisdem quidem cum Moysè verbis, sed alio verborum sensu. (a) *Obsecro Domine, ut interficias me*, eo modo ut ipse mihi moriar, quo non vivam amplius nisi à gratia tua, à spiritu tuo.

III. Quid times odium tui? quid ambis amorem tui? Nunquid inæstimabile est lucrum in odio tui, Amor Dei? Satius est, ut Deus te ardentissimè



Majus.

Tessera.

45

amet, quàm ut tu ipse te tanto damno tui ames. De-  
indè, hilarior est amor Dei quàm proprius, itaque &  
vita hominis sibi morientis propter Deum, erit hila-  
rior quàm sibi viventis. Non tantùm tu Deo, sed tibi  
vivit Deus, si tibi moriaris propter Deum. Quid,  
quod ut evadas omnes miserias, necesse est præ o-  
mnibus te animæ tuæ misereat? Illa quasi vertitur  
tota in corpus, dum nimis obsequeris corpori, & avi-  
dè sequeris quæ ardent corpori. Quantum porrò  
intertit inter duos illos, quorum unus sui osor, alter  
sui cultor, quidam expressit duobus epitaphiis, duo-  
rum vitâ sibi maximè dissimilium, Henrici Octavi,  
Angliæ Regis, & Thomæ Mori, quorum hic sic vi-  
vebat in corpore, quasi secretus à contagione corpo-  
ris: alter abdomini, & veneri deditus, totusque carni,  
& sanguini immerfus, non videbatur alius, quàm  
moles corporea, sic ut anima ejus videretur tota con-  
versa in corpus. Epitaphia duobus brevissimis metris  
contexta, sic se habent.

Epitaphium Henrici Octavi: Epitaphium Thomæ Mori.  
*Hic totus Henricus jacet. Viator, hic Mori est nihil.*

## 7. DIES MAIL.

Honestum ei, vile est, cui corpus nimis  
carum est. *Seneca Epist. 14.*

Corpori. I.  
non est ni-  
mis indul-  
gendum.

**N**unc stringo gladium in ho-  
stem domesticum, qui per-  
enne indicit animo bellum,  
canitque noctes, ac dies bel-  
licum,

Y 5